

密縣志卷五

建置志

城池 方輿紀要密縣城周七里

密縣城西漢時建兩晉因之至魏屬廣武郡治曲梁北齊改曲陽隋始築今密明洪武三年知縣馮萬金增築圍七里高二丈五尺廣二丈池闊一丈深七尺門四嘉靖四十二年知縣張金重修皆積土爲堞遇雨即傾萬曆三十七年知縣王崇雅始易以磚四十二年主簿張久敬署縣事創建北門堞城崇禎八年正月流寇薄城知縣苗之廷率衆禦之堞牆不及肩守者皆露半身因增修三尺十二年知縣曹化中補修東西磚城二面添設整堡敵臺并東西南三甕城復濬池深廣各一丈五尺十四年春流賊攻城三日而破百姓死者十之八九土寇繼起焚戮疊遭城垣夷於荒坵廬舍悉爲焦土清

密縣志

卷五 建置

河南印刷局印

順治二年知縣崔養重重修城門建設堞口扞蔽內外六年知縣李芝蘭重建門樓角樓并補葺四城墻垣濬治壕塹十二年積雨月餘傾圮過半知縣李鵬鳴重加修築康熙二十四年知縣衷錕化三十四年知縣袁良怡續修後歷雍乾嘉道四朝百餘年來無續修者咸豐九年知縣杜勗勸民捐貲大加修理工竣上聞准廣學額二名迄今崇墉巍然雉堞完好

街巷 城內四街東曰仁育西曰義正南曰禮節縣治後東西街曰樂和

縣治 在城中央叛於隋燬於元明洪武三年知縣馮萬金因廢址重建成化中知縣葉預正德時知縣高節相繼增修其制始備崇禎六年知縣苗之廷因雨傾圮重加修葺十四年遭兵燹舊址蕩然清順治三年知縣崔養重移於按察分司草創經營粗植其槩五年知縣李芝蘭重加修葺後因積雨又圯康熙二十二年知縣衷錕化復移於舊

治從新修築咸豐三年五年兩次遭兵焚燬殆盡同治七年知縣楊士玉勸民捐貲重修始有今制大堂五楹舊名牧愛堂東偏五楹舊名贊政廳今爲總務股西偏五楹舊名架閣庫今爲稅捐股二堂五楹舊名三鑑堂西套房三間東廂二楹東南隅南屋三間西廂二楹南套房三間西南隅南屋二間三堂五楹西套房二間東西廂各三楹又後大仙樓五楹東西樓各三楹東花廳北屋三間東屋三間又東廚房院北屋三間東屋三間南端又東屋四間茶房一間又西北北屋三間南屋三間又北北屋三間東西屋各三間西花廳北屋五間南屋三間東耳房兩間又北內書房五間亭子院草亭一座東屋三間北套房兩間西屋三間南套房兩間又西偏院北屋三間西套房兩間南屋三間後院北屋三間東西屋各三間大堂前東西兩翼爲雇員辦公處計房十八間南爲戒石坊坊前爲儀門東西房共六間外爲法警房東西各四間又前爲大門西南

密縣志

卷五 建置

河南印刷局印

轎夫房三間又前爲照壁又前爲鐘鼓樓樓上有神廟三楹祀郊禘又東法警房後爲土地祠舊爲寅賓館神廟三楹北屋四間東屋三間

知縣袁鳳化有縣治碑記見藝文志

公款局 在縣治東上房五楹東西屋各三間門樓一間臨街房六間

警察公所 在城東街後樓三楹東屋三間西屋三間中上房三間東屋三間西屋一間過廳三間北屋三間南屋三間門樓一間門房一間

勸學所 在城東街文昌廟後院上房三楹東西屋各三間

管獄公所 在縣署西上房三楹東西屋各三間客廳三楹門樓一間門房兩間

高等小學校 在縣治東北隅舊爲瑞春書院又名檜陽書院今改爲高等小學講堂五楹自習室東西各五間西北隅三間後講堂五楹自習室東西各五間過廳五楹東西屋前後二十八間門樓一間門房東西各兩間操場一區照壁一座東西門二

模範國民學校 在城東街勸學所後講堂五楹舊爲明倫堂

城區國民學校 在法海寺後院上房三楹東屋三間

常平倉 在縣治西知縣李芝蘭重建知縣錢以楨袁良怡先後修葺厥神廟三楹東西
厰房二十間大門一間後又增修厰房十七間門房四間

社倉 始設無考清乾隆四十九年於城西街觀音堂大隗鎮牛兒店建倉社四座今分
貯二十保社長之家

馬廄 在縣署儀門西馬神廟三楹馬房六間涼棚三間鐵馬椿檣六根

監獄 在縣署儀門西圍牆一道獄神廟三楹南北厰房各三間女厰房兩間禁卒房三
間

貧民工廠 在城東街後上房三間東西屋各三間過屋三間東西屋各三間門樓一間

密 縣 志

卷五 建置

三

河南印刷局印

門房兩間

舊公廨

教諭宅 在 孔廟東北隅今爲女子國民學校

訓導宅 在縣署西舊社學地今爲管獄公所

典史宅 舊在贊政廳東後移於城東街今爲警察公所

協防宅 在城西街清乾隆二十九年創建民國初奉令撤防僅存虛名後爲官產經理
處變賣

布政分司 在縣治東後改普濟堂今爲貧民工廠

按察分司 在縣治西南久廢遺址無存

大公館 在城東街久廢遺址無存

陰陽宅 久廢遺址無存

醫學 久廢遺址無存

僧會司 久廢遺址無存

道會司 久廢遺址無存

塘汛 在城西南平陌村清乾隆六年建設官廳一間營房六間整臺一座守兵四名後廢

演武場 一在縣西門外地八畝一在城內三官廟西地二畝民國六年經官產經理處變賣

急遞舖 額設舖司五座有在城舖寡婦橋舖觀音堂舖曲梁集舖高家窪舖共舖夫十四名後廢

密縣志

卷五 建置

四

河南印刷局印

普濟堂 即舊之布政分司今之貧民工廠

壇廟

社稷壇 在縣西門外民國六年經官產處變賣遂廢

先農壇 在東門外五里許藉田四畝有神室神倉民國六年經官產處變賣遂廢

風雲雷雨山川城隍壇 在南門外清嘉慶十七年奉文改稱神祇壇

按風師曰箕星又爲飛廉雨師曰畢星又爲玄冥雲師曰屏翳雷師曰豐隆皆天神也境內山川城隍皆地祇也明史禮志天神壇在左南向地祇壇在右北向陰陽之義也洪武三年以諸神陰陽一氣流行無間乃合壇同祭

邑厲壇 在北門外

按明史禮志厲壇祭無祀鬼神春秋傳曰鬼有所歸乃不爲厲此其義也祭法王祭太

厲諸侯祭公厲大夫祭族厲士喪禮疾病禱於厲鄭注謂漢時民間皆秋祀厲則此祀達於上下矣今京師郡邑厲皆設壇城北以城隍神主之

先師孔子廟 在縣治東始建無考元至正二年主簿馬元良重修元末兵燬明洪武二
年知縣馮萬金因舊址草創成化間知縣溫厚增修如制宏治間知縣葉預修建東西
二齋正德間知縣李朝陽易櫺星之木者以石明末復燬鞠為茂草僅存櫺星門按闕
里文獻考清俞兆曾聖廟通記凡有壇壝而無宮室則立櫺星門以為闕義取乎疏通
也聖廟亦設是者所以尊夫子同天地也清順治三年知縣崔養重始建
大成殿六年知縣李芝蘭增補規制畧備康熙二十年知縣張博四十九年知縣于兆麟
增修雍正八年知縣許履坦嘉慶三年知縣楊泰起重修
崇聖祠 在 大成殿後

密縣志

卷五 建置

忠義祠 漢常十 元胡仲侶 明程燾 明魏登科 明魏持衡 明韓繼周 在 崇聖祠
明郭躍蛟 明程燾 明程邦龍 明韓繼周 明魏尚謙

西偏

名宦祠 漢卓茂 索長官 元明格公 元杜君美 在戟門左
明陳綱 明朱敏汗 清李芝蘭

鄉賢祠 漢侯霸 明黃縉 明楊孝 明郭遠 在戟門右 以上俱嘉慶三年知
明岳宗源 清李長安 明楚麟 清王格正 清張志周

縣楊泰起移建

敬一亭 在 崇聖祠後知縣王珏重建有碑記見藝文志

經義齋 在敬一亭東

治事齋 在敬一亭西皆知縣劉薰建

尊經閣 閣前舊為教諭宅在敬一亭後知縣袁鯤化重建有碑記見藝文志

泮池 舊在街南知縣袁鯤化移建櫺星門內

困館 明知縣史信創建今廢

射圃 舊在學宮北明知縣史信改學南

奎樓 在南城上明知縣張光緒勅建後燬於兵清順治七年知縣李芝蘭重建

按說嵩神象猙獰右手持筆翹右膝架斗蓋象魁字形也天文志北斗七星一至四爲魁魁前文昌乃司祿籍無與於文事壁九度下九尺爲天之中道主文章天下之秘府故壁爲文明之曜庠序聚業之宮名爲泮壁也奎司天下武庫亦無與於文事而比垣於壁故古人祀奎必於泮壁之前則天文而取象也今在巽宮南城上於義爲當 又按詩定之方中疏壁居南在室東故因名東壁也

文昌廟 在東街清嘉慶二十二年知縣景綸重建

按華陽國志梓潼縣善政祠一名張惡子民歲上雷杼十枚後秦錄姚萇據秦稱帝於

密 縣 志

卷五 建置

六

河南印刷局印

梓潼嶺立張相公廟祀惡子明史禮志云神姓張名亞子居蜀七曲山仕晉戰沒人爲立廟唐宋屢封至英顯王道家以帝命掌文昌府事及人間祿籍故元加號爲帝君於是附會不經之說遂布滿天下或以爲周之張仲或以爲張六星或以爲天翁張堅或以爲陷河神張惡子化書悉刺取之其妄已甚清朱氏錫鬯求其說而不得謂文昌即祀蜀文翁又何誕也孝周禮大宗伯祀司中司命鄭司農云司中三能三階也司命文昌宮星鄭康成云司中司命文昌第五第四星蓋人受中稟命於天故有司中司命以其隸文昌宮故以文昌統之然則文昌之祀其即司中司命歟而化書又以文昌帝君爲魁前之司錄蓋因鐵圍山叢談三餘贅筆譚言長語等書所載唐宋士大夫及進士過梓潼嶺得送者皆爲宰相得殿魁遂有司祿之說而不知其無據也 又按宋東京考帝君左右乃桂祿二籍仙官而蠡海錄言梓潼文昌君從者曰天驍地啞蓋帝君不

欲人之明聰盡用故假聾啞以寓意耳夫天地豈可以聾啞哉

文昌閣 在城上東隅南乾隆三十八年知縣張廷敬創建有碑記見藝文志

關岳廟 在西門外舊爲關帝廟清順治五年知縣李芝蘭建有碑記乾隆四十一年三次重修嘉慶十九年知縣景編爲查復盜賣香火地三頃餘有碑記民國四年改爲關岳合祀

城隍廟 在西街明洪武四年建清康熙十一年知縣李居易重修乾隆五十七年三次續修大門外琉璃照壁係馬負圖建

明史禮志城隍之祀莫詳其始李陽冰縉雲城隍記謂祀典無之惟吳越有之成都城隍祠李德裕所建杜牧有祭黃州城隍文則不獨吳越爲然又高齊慕容儼梁武陵王祀城隍皆書於史宋以來其祀徧天下或錫廟額或頒封爵或遷就附會各指一人以

密縣志

卷五 建置

七

河南印刷局印

爲神之姓名按張說祭荊州城隍文曰城隍是保阡庶是依則前代崇奉之意有在也
洪武三年詔去封號祇稱某府州縣城隍之神 按禮運天子大蜡八伊耆氏始爲蜡
蜡祭八神水庸居七水則隍庸則城也此正祭城隍之始 譚言長語城隍之名肇於
古史之造字其用著於周易之繫爻城隍之有廟殆亦以棲配食之靈祭城隍於配食
之廟猶明堂之祀帝云爾此儒者之正論也今多塑像寢殿立配又置兩廊之獄如東

獄之七十二司謬矣

李居易在城隍廟
碑記見藝文志

蟲王廟 在邑東宋寨東南嶺上清順治六年知縣李芝蘭重建說嵩廣博物志曰伯益
字隤訖爲唐澤虞臣是爲百蟲將軍今鞏洛嵩山有百蟲將軍廟是也自漢有之水經
注云晉元康時復立 中州雜俎密有蟲王廟即百蟲將軍乃烈山澤之伯益也歲祀
令必躬親祠祀最古

八蜡廟 在南門外雍正五年重建

按祭統蜡祀八神鄭康成謂先嗇一司嗇二農三郵表囿四猫虎五防六水庸七昆蟲八也

附驅蝗檄清嘉慶八年六月奉撫憲馬札開照得螟蝗爲害關係田禾地方官竭力撲捕盡心人事尤當虔心祈禱爲民請命昔禮有蜡祭八神之義詩有秉畀炎火乞靈田祖之文則知禳災一法古人所重查我朝康熙癸未年間吳中傳有婦人趁柴船行數里欲去自云我乃驅蝗使者即俗所稱金姑娘娘今年江南有蝗災上天不忍小民乏食命吾渡江取鳥雀以驅蝗蝻可徧諭鄉農書金姑娘娘位號供奉祭禱倏忽不見繼而常州一帶果有蝗蟲北來鄉民如言尊奉蝗即驅除詳載志乘現據考城商邱等縣各稟報飛蝗入境延飛西南除已飭屬撲捕外並應齊心虔禱遍諭鄉農恭書金姑娘

密縣志

卷五 建置

八

河南印刷局印

娘神位祈禳以期上格蒼穹俾邀神佑云云 按金姑娘娘事載褚人穫堅瓠集中

劉猛將軍祠 在城隍廟內雍正間奉文創建

按怡菴雜錄曰神之位號會典不載宋景定四年勅封故提舉江州太平興國宮淮安江東浙西制置使劉錡爲揚威侯天曹猛將之神秀水盛百二跋亦云是猛將實爲制置使無疑矣王士正居易錄以爲宋詩人劉漫塘翟灝通俗編引汪沆識小錄以爲劉錡弟劉銳饒陽志又以爲元指揮劉承忠皆無據

火神廟 在南門外明末經亂燬清順治七年知縣李芝蘭重建康熙二十四年知縣衷繼化重修五十五年創建拜殿乾隆五十三年續修 按火神在天爲火星在人爲炎帝密爲火正祝融之區故祀火尤虔宋熙寧間詔天下各建火德真君殿今天下塑像俱戟髯虬髯以象燄烈而說嵩謂登封望朝嶺火神像獨塑一女未解其義

馬王廟 在馬廐內知縣李芝蘭建 按周官校人春祭馬祖鄭氏康成曰馬祖天駟也 孝經說曰房爲龍馬星經房四星在天市西南角亦名天駟史記天官書房爲府天駟 是馬秉星精之氣以生故祀天駟明史志祭馬祖并先牧馬社馬步之神

白龍王廟 在縣南三十里柏崖山下金大定元年建明永樂間奉旨重修以禱雨獲應

也清順治初知縣

李芝蘭重建乾隆間知縣陸世埰續修

五龍廟 一在天仙廟東南一在黑龍溝口 文獻通考大觀四年詔天下龍神皆封王

爵青龍神廣仁王赤龍神嘉澤王黃龍神孚應王白龍神義濟王黑龍神靈澤王

竈君廟 在縣署東

土地祠 在縣署儀門東

獄神廟 在獄內 宋東京考今縣獄皆立皋陶廟以祀之蓋自漢已然范滂繫獄吏俾

密 縣 志

卷五 建置

九

河南印刷局印

祭皋陶滂曰皋陶賢者知滂無罪將理之於帝如其無知祭之何益

軍牙旗纛 在演武場致祭按明史禮志旗爲牙旗黃帝出軍訣曰牙旗者將軍之精一

軍之形候凡始豎牙必祭以剛日纛謂旗頭也太白陰經曰大將中營建纛天子六軍

故用六纛犛牛尾爲之在左駢馬首唐宋及元皆有旗纛之祭

蕭曹廟 在縣治大堂東偏知縣邱景雲建有碑記見藝文志

大王廟 在西關外清康熙二十五年知縣衷繼化建商人李一恂置祀田百畝雍正九

年重修

明徐渭金龍四大王傳王姓謝名緒宋會稽諸生晉太傅安之裔祖達父某有兄弟四

人曰紀曰綱曰統王最少行第四居錢塘之安溪後隱金龍山白雲亭素有壯志知宋

鼎將移每慷慨憤激甲戌秋八月大雨天目山頽王會衆泣曰天目乃臨安之鎮茗水

長流昔人稱爲龍飛鳳舞今顏宋其危乎未幾宋鼎移王晝夜泣語其徒曰吾將以死報國其徒泣曰先生之志果難挽矣沒而不泯得仲素志將何以爲驗曰異日黃河北流是予遂志之日也遂赴水死時水勢高丈餘洶洶若怒人咸異之尋得其尸葬金龍山麓立祠於旁元末我太祖與元將蠻子海牙戰於呂梁元師順流而下我師將潰太祖忽見空中有神金甲執鞭驚濤湧浪河忽北流遏敵舟震動顛撼旌旗內燦陰相協助元師大敗太祖異之是夕夢一儒生披幃語曰余有宋會稽謝緒也宋亡赴水死行間相助用抒宿憤太祖嘉其忠義詔封爲金龍四大王金龍者因其所葬地也四大王者因其生時行列也自洪武迄今江淮河漢四瀆之間屢著靈異商舶糧艘舳艫千里風高浪惡往來無恙僉曰王賜敬奉弗懈各於河濱建廟以祀報賽無虛日九月十七日爲其誕辰祭賽尤盛

密縣志

卷五 建置

十

河南印刷局印

黃大王逸事神生於萬歷十一年十二月十四日雲霧蔽天香氣滿室空中有聲曰河神降矣歲餘幼兄携出外失足落井兄奔告家人往救神坐水面拍手嬉笑男婦觀者喜躍因共出之六歲隨母舅劉在舟觸舅怒叱之遂投洛河深處舅沿河號哭自辰至申撈救不獲忽見從上流半里水中出衣不沾濡七歲浴洛水浦得野鶴乘之飛登緱山巔徘徊良久復駕鶴歸浴所北遊天壇山天旱泉竭農民告艱神指地開泉一曲至今利賴焉崇禎季年流寇劫掠將抵洛偃神令民趨避河北樓子營全活數萬人十二歲隨舅船抵虞城張家樓時有糧艘二百餘阻沙不能動運官夜夢金甲神告曰明日有活河神姓黃者至此年貌若何神至如夢所見拜懇之神書黃紙焚水濱風起沙退船乃行清順治二年金龍口決督河使者延請求策神至捲掃入河隄工告成七年沁河溢神以黃符一命焚河上波濤頓息八年杞縣大旱迎神至沐手焚禱甘霖大沛後

因求者甚衆避居潁川常夜乘虎與鹿往來於家明末時與周藩善汗距偃三百餘里時周藩遣官召之人每見空中神騎一物如龍蟒狀有爪無角瞬息入宮其他異事不可枚舉

朱大王逸事堅瓠集順治間金華朱公之錫爲總河正直慈惠歿後爲河神行舟水手時見公戎服紅燈侍從往來河上嘉慶七年衡工告成頗著靈異勅封廟祀

如堂廟 一稱卽郡廟 在縣東二十五里 中州雜俎密縣有如堂廟古者縣大郡小一縣

凡有四郡取鄉落羣聚之義後乃升郡領縣此廟當是如堂郡故地堂者詩之有紀有堂也中祀冕者夫人像必檜賢君或始封亦云夏禹密多山水漲害祀禹亦宜然祀啟母爲配豈所以尊帝后哉按爾雅山如堂者密密之所以稱如堂者不僅取於有紀有堂也

密縣志

卷五 建置

河南印刷局印

洪山廟 在縣東五十里謝村保 中州雜俎相傳其神在世日耕田留隙地不耕主人

怪而視之內有鳥卵三四不忍傷故耳主人乃熟其卵雜菜中食之方問焉神告以故

主人曰吾已破卵供汝之食矣神察之果然遂以刀剖腹而死後爲洪山大王亦稱洪

山真人 舊碑神生於宋舉進士以世亂隱居洪山活人濟世尤惜物力嘗驅牛耕田

牛臥於地不事鞭笞匍匐牛旁牛便起行嘗奉詔醫宋太后療兵馬投方輒愈賜金帛

不受詔封護國真牧靈應真人及卒葬洪山元始建廟祀之元末紅巾作亂神力禦之

邑人以安牛馬疫癘禱之輒應因稱牛王至清靈應尤著有司奉勅致祭

開陽廟 在開陽山下祈晴有應知縣衷繼化重建 韓城有重修開陽廟碑記見藝文志

泰山廟 一在城東岡一在城西岡 東京考古錄遁甲開山圖云泰山在左亢父在右

亢父知生梁父主死博物志云泰山主召人之魂魄知天命之長短泰山有鬼論皆本

此二說也其見於史者漢許俊謁泰山請命烏桓傳謂死者魄神歸泰山三國志管輅恐至泰山治鬼劉楨贈五官中郎將詩有云常恐游岱宗不得見故人然則泰山治鬼之說自漢已然宜今天下之遍立東嶽行宮也 宋東京考大中祥符元年詔封東嶽爲天齊仁聖王四年尊稱帝號明整正祀典詔稱東嶽泰山之神 譚言長語東嶽泰山之廟遍天下肇於宋中葉唐光天開元間封爵爲王宋大中祥符間加曰帝廟之爵之像之皆非常理以地祇而不人其像尊比三公而不帝其號兆之如四望而不屋其祠廢縣於其方嶽而不遍於天下搜神記據東方朔謂甞氏即東嶽帝君一何悖也

碧霞祠 在王寨保光武陳東南龍泉上 按山東考古錄世人多以碧霞元君爲泰山之女後之文人知其說之不經而曲引黃帝遣玉女之事以附會之不知當日所以褒封固真以爲泰山之女也今考封號雖自宋始而泰山女之說西晉以前已有之張華

密 縣 志

卷五 建置

十二

河南印刷局印

博物志文王以太公望爲灌壇令期年風不鳴條文王夢見有一婦人甚麗當道而哭問其故婦人曰我東海泰山神女嫁爲西南婦欲東歸灌壇令當吾道太公有德吾不致以暴風疾雨過也文王夢覺明日召太公三日三夕果有疾風驟雨去者皆西來也此一說也干寶搜神記後漢胡母班常至泰山側爲泰山俯君所召令致書於女婿河伯云至河中流扣舟呼青衣當自有取書者果得達復爲河伯致書俯君此二事也列異傳記蔡文事又以天帝爲泰山神之外孫自漢以來不明乎天神地祇人鬼之別一以人道事之於是封嶽神爲王則立寢殿爲王夫人有夫人則有女而女有婿又有外甥矣唐宋之時但言靈應即加封號不如今之君子必求其人以實之也

廣生祠 在縣治西北隅清順治七年知縣李芝蘭重建 按月令祀高稌周頌祓無子是人之生育必有神焉以主之古聖王亦重之而不廢後世廣生祠蓋本此又有百子

殿取詩則百斯男義也中祀聖公聖母謂即文王后妃雖名號不免鄙俗然尙近理

五瘟神廟 在廣生祠東清康熙二十五年知縣衷鯤化建

按集韻瘟疫也釋名疫役也言有鬼行疫也鄭康成曰疫癘鬼也禮記月令季春命國
雩注此月之中日行歷昴有大陵積尸之氣氣佚則厲鬼隨而出行仲秋天子大雩注
此月宿植昴畢亦得大陵積尸之氣季冬大雩旁磔注此月之中日歷虛危虛危有墳
墓四司之氣爲厲鬼將隨強陰出害人也雩所以逐疫也故古人重之漢唐以來此禮
久廢則瘟疫流行必有神主之今立祠以奉亦爲民禦災之意

財神廟 在廣生祠東清康熙二十五年知縣于兆麟建 搜神記增福神爲李詭祖

麀尾餘談李天培清康熙中官國子監學正永城李湘北相國以鄉詣兼同宗相交甚
厚天培引年歸相國猶音問不絕歷十餘年忽夢相國至謂之曰若知之乎吾即新鄭

密縣志

卷五 建置

十三

河南印刷局印

增福相公也天培以夢語無憑漫不之省次夜復夢如前旋知相國捐館舍始大異之
先是西門內有增福相公祠蓋祀晉人李詭祖也天培遂釀貲修之顏其額曰增福李
相公祠

藥王廟 在城東南十五里創建無考嘉慶元年重修 按明史禮志洪武元年以太牢
祀三皇二年命以勾芒祝融風后力牧左右配俞跗相君儵貧季少師雷公鬼臾區伯
高岐伯少俞高陽十大名醫從祀儀同釋奠四年帝曰三皇繼天立極開萬世教化之
原汨於藥師可乎命天下郡縣毋得褻祀然自元成宗時立三皇廟於府州縣春秋通
祀以醫藥主之至今皆稱藥王廟

黃帝廟 在大隗鎮南乾隆四十九年創建

天仙廟 在縣東五里明世宗時創建清朝五次重修世傳黃帝三女學道十七年一夕

同逝合葬於此塚上生白松一株三幹高八九丈康熙間松爲烈風所吹根株盡拔乾隆間知縣秦勤爲亭貯之

七聖廟 在古窰溝即共迷襄野之七聖也 中州雜俎在大隗鎮南三里許古窰溝中數椽已圯嘗往尋故址惟阪礫鳴春流耳然自新鄭軒轅邱至此四十餘里即可南走襄城尙隔五六舍豈可稱襄城之野縱真迷乎未必迷此因其古而古之學士之常也
玄帝廟 在縣治西北清順治七年知縣李芝蘭重建 按玄帝即真武也禮記月令孟冬其神玄冥彭康夫謂水北方玄氣而冥昧故取爲神之名主冬而位北曲禮曰前朱雀而後玄武武乃北方七宿之象而傳記所謂龜蛇也道家者流謂神有名字里居真武經又有披髮跣足世遂塑黑衣翩翩披髮按劍而坐腳踏龜蛇一何悖耶續文獻通考異林紺珠間錄皆嘗辨之又按明史志北極佑聖真君者乃玄武七宿後人以爲

密縣志

卷五 建置

十四

河南印刷局印

真君作龜蛇於其下宋真宗避諱改爲真武圖志云真武爲淨樂王太子修煉武當山功成飛昇奉上帝命鎮北方披髮跣足建皂纛玄旗此道家附會之說太祖平定天下陰佑爲多太宗靖難又以神有顯相功皆崇祀憲宗嘗範金爲像後止遵洪武間例每年三月三日九月九日用素羞致祭

三官廟 在城內東北隅清順治七年知縣李芝蘭創建乾隆間三次重修 宋東京考

宋學士集漢熹平間漢中有張修爲太平道張角張魯爲五斗米道其法畧同而魯爲尤甚蓋自其祖陵即今俗稱張天師父衡造符書於蜀之鶴鳴山制鬼卒祭酒等號分領部衆

有疾者其令自首書氏名及服罪之意作三通一上之天着山上一埋之地一沈之水謂之天地水府三官而三官之名實昉於此 七修類藁世有三元三官天地水府之說此理也蓋天氣主生木爲生候地氣主成金爲成候水氣主化水爲化候其用司於

三界而以三時首月候之故曰三元元大也兩間之元孰大於此三元正當三臨官故又曰三官

明靈王廟 即皮場公在縣治東始建未詳清嘉慶十五年重修

燕翼貽謀錄宋時試禮部者皆禱於皮場廟中皮場即皮剝所也相傳皮場土地主瘍疾之不治者徽宗建中靖國元年詔封爲靈既侯其後累封明靈昭惠王 舊碑皮場公曰裴商晉明帝時商人治兒最效又稱明英廟患瘡疾有神陰治之愈知係東漢光武將邳彤者勅封爲明靈王後有瘡疾者禱之輒應

涉縣志西湖遊覽志俱云皮場公姓張名森湯陰人以驅殺皮場蠱毒民德之爲立祀自漢歷宋累封王爵額曰惠應河南北所在多有之 按以上數說未知孰是要之其神主瘡疾則由來舊矣至或以爲鄭子皮或以爲明太祖處治賊吏剝皮場又妄誕不

密縣志

卷五 建置

十五

河南印刷局印

經

二郎廟 在岳村保壽聖寺南 文獻通考政和七年詔修神保觀俗所謂二郎神者

宋東京考即蜀中灌口二郎神也成都古今記秦昭王以李冰代蜀郡守鑿離堆避洪水之害穿二江成都中於是沃野千里號爲陸海民思其惠立廟於灌口山正統十三年四月汴旱禱雨有應 宋稗類抄蜀中灌口二郎廟神云是李冰第二子初封王號至徽宗改爲真君張魏公用兵禱於其廟夜夢神語之曰我向封王有血食之奉今祭我以素食故無威福之靈今須復封爲王當有威靈相助魏公遂乞復其封每歲人戶祭賽殺羊萬頭廟前積骨如山按舊碑神姓趙名昱隋時人爲金華令嘗斬蛟於溱流中而水患息故廟祀之未知何據

聖母廟 一在邑正北聖水峪上井中之水一日三潮潮來則水溢井平潮退則水消井

半北流入滎陽一在岳村保椿板河水自王寨保兩下有石澗甚深水盡注之逢歲豐稔則溢而上出按聖母即天妃也神林姓世居甫之湄州嶼五代時都巡檢願之第六女能乘席渡海雲游島嶼人呼爲龍女生於晉天福八年以宋雍熙四年二月二十九日昇化湄州父老相率祀之名其墩曰聖墩厥後嘗衣朱衣飛翻海上宣和癸卯給事中路允迪使高麗中流遇風人舟俱溺獨路舟神降於檣無恙使還奏於朝特賜廟號曰順濟紹興己卯海寇入江神駕風一掃而遯加封昭應崇福乾隆道淳熙景定間累加封號明成祖封護國庇民妙靈昭應宏仁普濟天妃莊烈帝封天仙聖母

介子推廟 在王寨保高嶺上地非綿上而祠在焉其由來不可考矣

卓君廟 一在大隗鎮東乃漢卓公葬衣冠處清康熙間知縣袁颯化袁良怡重修一在縣治東北明嘉靖間知縣鄭濂以古祠去治遠重建清嘉慶七年五次重修恩貢生張

密縣志

卷五 建置

十六

河南印刷局印

兆京捐香火地三十畝即在廟東偏因住持不善經理田學博收租者五十餘年後仍

歸入廟中

翁深有重修卓君廟碑記見藝文志

五虎廟 一在官澤保老寨東南明萬曆三十三年張加兆建清乾隆二十一年張玉振重修相傳三國時關公張飛馬超黃忠趙雲破曹操於此明崇禎間流寇問知五虎姓名遂不入里爲害實賴神之威靈保障也 一在南朱保五英寨舊名五英靈祠創建失考明宏治中馬又昇奉勅重修萬歷中六府輔國將軍睦樸重修

索長官廟 一在縣西北隅宋景佑二年建有梁佐廟碑一在菜園河上名斷虎祠相傳

虎徇牒處

潘恩有題索長官祠詩見藝文志

崔府君廟 在浮山東麓 宋東京考崔珙字子玉定平人爲滎陽令時縣有虎害一孝子爲虎所食珙乃以牒攝虎虎至服罪一縣以爲神卒葬滎陽 按崔府君祇應廟食

滎陽今所在多祀之未解其故

寶建德祠 在縣北龍泉寺一里地名寶牛口夏雖僭國頗得其民故不以唐故廢之

景賢祠 在超化河西清道光初錢佳選後裔倡修祀容城孫奇逢上蔡張沐灤州趙御衆登封耿介雄縣李葑定興馬爾楹耿保極容城孫博雅杞縣馬之驪浙江陳爾毅東阿李居易本邑錢佳選十二子

邑賢侯祠 在西門外關岳廟合祀知縣景綸楊炳堃王麟定

侯公生祠 在縣東洪山廟祀知縣侯一位今圯

蕭公生祠 在縣東洪山廟祀知縣蕭文元今圯

劉公生祠 在縣東觀音堂祀知縣劉善繼明末兵燬士民戴德不忘清順治六年重建

王公生祠 一在縣法海寺西一在縣東大隗鎮祀知縣王崇雅今俱圯

密縣志

卷五 建置

十七

河南印刷局印

王公生祠 一在縣治西一在縣西下莊一在魏村鎮祀知縣王時英今俱圯

劉公生祠 一在縣治西一在縣西下莊祀知縣劉肅清今俱圯

苗公生祠 在賢宮樞星門西祀知縣苗之廷今圯

李公生祠 一在西門外關岳廟內祀知縣李芝蘭清順治九年創建嘉慶十九年知縣

景綸重修一在白龍王廟有像

于公生祠 在城隍廟祀知縣于兆麟今圯

節孝祠 在城隍廟西始建無考清光緒間重修廣五楹

寺觀

法海寺 在縣治西宋咸平四年建明末燬清順治五年知縣李芝蘭修乾隆十七年知

縣秦勳嘉慶元年邑人續修殿前有石塔凡七級石雜青白古松偃蓋亦一邑之勝觀

也嘉慶十四年知縣楊泰起於塔後建字藏一座

超化寺 在王村保隋開皇元年建地有竹木魚稻頗具江南風致為宋元游賞名區明

天啟二年拙地得唐碑一今嵌寺壁上西南岡舊有塔二今存一世傳在唐阿育王所

造八萬四千塔之內袁宏道有遊超化寺記見藝文志

龍泉寺 在縣北二十里明景泰四年建寺前有泉四時不竭

龍巖寺 在縣西北龍巖山下宋宣和七年建

浮圖寺 在縣東浮山保北齊天保三年建

光林寺 在縣東北王寨保北魏時建興廢不一清乾隆十七年知縣秦勤續修有碑記

見藝文志

壽聖寺 在縣東岳村保明洪武十五年建李曰巖有壽聖寺碑記見藝文志

密縣志

卷五 建置

十八

河南印刷局印

聖壽寺 在縣東岐固保宋仁宗三年信公和尚奉勅建

顯應寺 在縣東三十五里浮山保宋咸平四年建

鐵佛寺 在縣東曲梁保唐天寶七年建

吉慶寺 在縣東南朱保金正慶三年建

南臺寺 在縣東謝村保唐天寶六年建面陞背洧中有檜高百餘尺寺前槐大二十圍

相傳唐時物也清光緒年間此槐枯朽今無存

華巖寺 在縣西北召村隋開皇二年建

月華寺 在縣東大隗鎮宋崇寧四年建

張固寺 在大隗鎮東創建不知何時自唐已係重修

興隆寺 在縣東南四十里許襟溪帶洧眺隗瞻嵩地特幽勝

南泉寺 在縣東南大鴻山下聳峙於層巒疊嶂間最爲勝景僧元文增修

東報恩寺 在縣東響潭河西宋崇寧二年建

西報恩寺 在縣西六里 閩周民有報恩寺碑記見藝文志

朝陽寺 在縣東盧村保唐天寶六年建明末兵燬清知縣李芝蘭移建本保東店

上香峪寺 在縣西北四十里唐天寶七年建

中香峪寺 在縣西方山保宋開寶元年建山勢崔嵬深窅旭日出昇山色晃耀翠碧丹

砂燦爛如錦入山口行五六里乃至寺虎跑泉在其右潺湲東流亦勝地也覽勝者多

游觀焉

下香峪寺 在高村保宋開寶三年建今圯

助泉寺 在北召村西元至正十五年建

密 縣 志

卷五 建置

十九

河南印刷局印

貞石亭 在摩旗山東南六角六窗純以磚石爲之民國八年邑紳白銘堂陳來賓李羣

玉等創建知事汪忠爲之記見藝文志

文峯塔 有三一在城東北青屏山上知縣李鵬鳴創建後圯咸豐中知縣張廷璽王綬

林重修一在城東南嶺上元至正元年建明末燬康熙二十九年知縣袁錕化重建乾

隆三十年知縣馮渭重修一在城西嶺上嘉慶三年知縣楊泰起創建 袁錕化有文峯塔碑記見藝文志

楊嶺塔 在縣西常村保亦名文峯塔

修德觀 在大隗鎮西三里宋崇寧三年建廣成子所居黃帝問道處門臨洧水古檜雙

聳如蓋似宋元時物也 劉文饒有修德觀問道碑記見藝文志

臥龍臺觀 在修德觀前命名取義無考

天寶觀 在縣治西元泰定三年建

祐神觀 在天仙保金正慶四年建今圯

純陽觀 在縣東四十里元至正元年建明成化四年重修

玉仙觀 在牛店西綏水南岸韓城有重修碑
記見藝文志

旌陽觀 在岳村保宋東京考真君晉人也為旌陽令夙著靈異之跡政和二年賜號神

功妙濟真君以所遺詩一百二十首書之竹簡載之筒中令人採取以決休咎名曰聖

籤

朝野僉載西晉末有旌陽令許遜者得道於豫章西山江中有蛟為患旌陽投劍斬之
後不知所在

續文獻通考許真君名遜字敬之南昌人生而穎悟從吳猛得神方妙法以修煉為事
晉太康初為蜀旌陽令尋棄官東歸遇馮姆傳以道術遂斬蛇誅蛟悉除民害慮豫章

密縣志

卷五 建置

為浮州蛟螭所穴乃於牙城南井鑄鐵為柱下施八索鉤鎖地脉由是水妖屏息周遊
江湖諸郡殄滅毒害乃歸舊隱修至道寧康二年一百三十六歲忽一日羽蓋龍車自
天而下遜登車與其弟子家屬四十二人同時昇天鷄犬亦隨焉

雲巖宮 在縣東四十里下有石洞獨孤及有雲巖宮風后
八陣圖記見藝文志

玉溪宮 在縣西二十五里金正慶三年建

所真宮 在方山保唐天寶五年建

顯應宮 在縣治後 按明史禮志崇恩真君姓薩氏諱守堅西蜀人宋徽宗時嘗從虛

靖天師張繼先及林靈素學法隆恩真君則玉樞火府天將王靈官也嘗從薩真君傳

授符法永樂中杭州道士周思得以靈官之法顯於京師附體降神禱之有應乃於禁

城之西建天將廟及祖師殿宣德中改為火德觀封薩真人為崇恩真君王靈官為降

恩真君

觀音閣 在縣治後明正統七年主簿張久敬建清順治五年知縣李芝蘭重修一在超

化村

錢九同有觀音閣碑記見藝文志

白衣堂 在縣北石坡口道通登密滎汜山徑紆仄多虎患清順治五年知縣李芝蘭創

建招僧守之一在社學東一在南門外一在縣治北

茶菴 在縣東二十五里石嶺上東西通衢村墟遠隔夏行苦熱清康熙間知縣于兆麟

於菴南建茶亭行人便焉

坊表

世科坊

在城東街明嘉靖間為

黃愷 黃麟 黃縉建

進士坊

在城東街明嘉靖間為

黃麟 黃縉建

密縣志

卷五 建置

登科坊

在城西街明萬曆間為

郭達建

綸音重褒坊

在城西街明萬曆間為贈奉直大夫郭朝陽建

九重勸義坊

在城西街明萬曆間為魏尙謙建

襄禮三朝坊

在城西街明天啟間為魏持衡建

孝子坊

在城東街清乾隆間為歲貢生陳邦寵建

彰善坊

在城東門外清乾隆

為孝義魏國禎等三十七人建

名登天府坊

在雙樓東清乾隆間為舉人張星爛建

節孝坊

明洪武間為王佐妻孫氏建

節孝坊

明洪武間為李晟妻馬氏建

節孝坊

明洪武間為朱讓妻陳氏建

貞節坊 在城東街明嘉靖間爲楊春妻朱氏建

貞烈坊 在城東街明萬曆間爲馮貴妻錢氏建

貞節坊 明萬曆間爲儒童李橋妻屈氏建

節孝坊 在城西街明萬曆間爲周府典膳宋尙倫妻屈氏建

節孝坊 明萬曆間爲閻有倫妻許氏建

節孝坊 明萬曆間爲生員宋爾妻黃氏建

節孝坊 明崇禎間爲韓加臣妻孫氏建

貞節坊 在城東街明崇禎間爲生員程士龍妻李氏建

節孝坊 在城東街清雍正間爲周南妻侯氏建

崇獎幽貞坊 在超化集清雍正間爲張煦妻李氏建

密縣志

卷五 建置

二十二

河南印刷局印

雙節坊 在城東街清乾隆間爲李裕昆妻王氏暨男夢龍妻張氏建

節孝坊 在城西街清乾隆間爲項文瑞妻郭氏建

節孝坊 清乾隆間爲蔡體元妻陳氏建

節孝坊 清乾隆間爲屈來同妻李氏建

節孝坊 清乾隆間爲趙治妻張氏建

節孝坊 在城東門外清嘉慶間爲楊延寬妻閻氏建

節孝坊 在寇莊東爲寇林妻蘇氏建

節孝坊 在靳寨北街爲生員張珂妻蘇氏建

節孝坊 在梁洞北岡爲張瑞光妻侯氏建

雙節坊 在馬關水南爲張五美祖母李氏母蘇氏建

節孝坊 在袁家集爲儒童趙君聘妻李氏建

節孝坊 在竹園溝清道光初爲周鍾熊妻錢氏建

節孝總坊 在城東街清道光間爲生員張基緒妻劉氏等八十一人建

節孝坊 在周家岡清光緒間爲周成熙妻李氏建

節孝坊 在岳村老觀冲清道光十五年爲鄭效曾妻張氏建

節孝坊 在王寨張門村清乾隆十四年爲張世祿妻盧氏建

節孝坊 在孫溝南爲鄭金桂妻王氏建

節孝坊 在呂家樓爲生員呂成章妻劉氏建

節孝坊 在王家堂爲儒童王集錦妻張氏建

雙節坊 在城西瓦窰溝清道光中爲生員王諫妻周氏處士王實妻馮氏建

密 縣 志

卷五 建置

二十三

河南印刷局印

節孝坊 在城東楊寨西爲馮臨朝妻程氏建

樂善好施坊 在李堂集南清光緒間爲山東巡撫張汝梅之母李氏建

橋梁

通濟橋 在縣治東明萬歷二十九年知縣劉有源創建石橋三空平坦如地行人便之

新於中有通濟橋記見藝文志

惠政橋 在縣西關外原名廣濟橋邑人魏尙謙建水衝無存清順治七年知縣李芝蘭

捐俸重修改名惠政橋 韓繼文有惠政橋記見藝文志

浮山雙橋 在縣東雲濛山陽俗名寡婦橋兩橋相去三十餘步年久圯毀清康熙二十

八年知縣袁鯤化重建視前較大

利涉砥 在縣東三里馬漢河清康熙三十三年知縣袁良怡創建 有碑記見藝文志

盧家橋 在盧家灣年久傾圮清康熙二十八年知縣袁鯤化重建

會濟橋 在礪驛坡

石鷄橋 在盧村

羅家橋 在大隗鎮西五里許盧村西邢二保界

洪山廟石橋 創建無考寇國順重修

勸善橋 在盧村保騰蛟臺下明嘉靖二十八年里人創建

惠行橋 在盧村東清雍正七年創建嘉慶七年里人呂氏重修

永濟橋 在盧村保麻坡清乾隆八年楚選倡建

老土橋 在司溝西南里許清康熙二十年司振藩創建嘉慶十八年司自修重築易為

磚石

密 縣 志

卷五 建置

雙橋 在岳村中岳廟前始建無考清順治十四年重修

青石橋 在紙房東南下為煖泉河以石條為之清乾隆五十八年修德宮道士劉依賢

創建

通脊橋 在大隗鎮東其路常為雨水所衝往來艱苦以石砌作水口使水旁流口用石

板蓋之故曰通脊明宏治八年創建清乾隆四十六年重修

萬里橋 在旺子岡下有巨壑清嘉慶八年舉人韓瑛募建 韓瑛有萬里橋碑記見藝文志

雪山橋 在開陽山下有巨壑清嘉慶四年監生趙執蒲募建

紅石橋 在廟朱南積石為之高二丈寬丈餘

板石橋 在岳村東溱水河剏於岳氏父子春冬架木板夏秋堆亂石以便行人

至公橋三座 在曲梁寨三門外清光緒間馬惠芳募建

惠濟橋 在界牌村南寬二丈五尺高五丈長七丈清乾隆十七年樊學會創建

衆濟橋 在柿園村良隅村人每年修築

洧西石橋 在超化河西村觀音閣外兩空全用石扣口寬六尺餘清乾隆三十年錢國

安募建

普濟橋 一在雙樓東清乾隆四十七年張祥兄弟創建今圯

一在小南溝南北長六丈餘東西寬一丈二尺橋下溝深三丈餘清康熙五十九年周

日璠募建乾隆十八年周闕補葺

大石橋 在李家堂南清道光間陰陽學慕春芳創建光緒間府經歷張文華重修

雙龍橋 在張家溝清光緒間光祿寺銜張文傑創建

樂善橋 在大坡口清光緒間山東巡撫張汝梅捐銀創建

密縣志

卷五 建置

廣濟橋 在岳村橋溝明萬歷間鄭國英建村因橋而名也

市集

在城縣街集 前半月西街 後半月東街 五虎廟集 雙日每逢朔望加一集

王岡集 單日 大隗鎮集 雙日 白寨集 雙日

曲梁集 單日 觀音堂集 雙日 岳村集 單日

袁家集 單日 響潭河集 單日 雙樓集 雙日

關口集 單日 藥王廟集 每日集 樊寨集 每日集

韋溝集 單日 洪山廟集 單日 劉寨集 單日

超化集 每日集 玉皇廟集 單日 平陌集 單日

月臺集 單日 牛兒店集 雙日 米村集 單日

苟家堂集 雙日

西聖帝廟集

雙日湖望加集

北召集

單日

紙房集 單日

老寨集 單日

來家集

單日

馬溝集 雙日

牛集 雙日

堡寨

東十里墩

二十里墩

三十里墩

俱廢

西五里墩

十里墩

二十里墩

俱廢

觀音堂舊堡

今圮

青峯寨

在在坊保青屏山上清咸豐間韓泰綱倡修

大山寨

在在坊保清咸豐間陳宗文倡修

皇古寨

在在坊保清咸豐間榮密人共修

密縣志

卷五 建置

二十六

河南印刷局印

平陌寨

在平陌街清同治三年村人修

張固寨

在天仙保清咸豐間郭臨溪倡修

惠灣寨

在天仙保清同治間慕姓倡修

長舟寨

在土郭保馬莊清同治間修

嵩鄰寨

在土郭保清同治間修

米村寨

在方山保清咸豐十年李延錫等修

宋村寨

在方山保清咸同間修

范村寨

在方山保清咸同間修

月牙寨

在方山保清咸同間修

賈家寨

在方山保清咸同間修

李寬窰寨 在方山保清咸同間修

蔡家小寨 在高村保明末土寇李際遇至寨下文生蔡觀光善射力疾持弓與際遇言
當中汝盔纓一發果中際遇驚遁

龍山寨 在高村保清咸同間修

牛店寨 在高村保清咸同間修

曹寨 在高村保清咸同間修

武村寨 在高村保清咸同間修

綏安寨 在高村保清咸同間修

王路營寨 在高村保清咸同間修

月臺寨 在高村保清咸同間修

密 縣 志

卷五 建置

二十七

河南印刷局印

大方寨 在高村保清咸同間修

興穀坪寨 在高村保清咸同間修

連環寨 在高村保清咸同間修

萬安寨 在常村保安家溝清同治間修

海山寨 在常村保海山寺側清同治間修

連環寨 在盧村保清同治元年于廷元等重修

瓠子嶺寨 在盧村保清同治元年郭應南宋光山倡修

黃家寨 在盧村保清咸豐十年重修

東店寨 在盧村保清咸豐九年戶部主事馮振科監生馮運廣倡修

盧村寨 清同治元年呂吉順倡修

天保寨 在盧村保清同治元年張玉佩施地創建

天成寨 在盧村保清同治二年劉君峯劉君恩創建

司家寨 在盧村保清同治六年歲貢司承斌倡建

桃源寨 在院青保清咸豐十一年吳湘樊城倡修

趙小寨 在院青保清乾隆初趙同創修同治元年趙振鼎重修

靈壽寨 在院青保清咸豐十年崔應愷倡修

孤山寨 在院青保清同治間馮守安倡修

牛頭山寨 在院青保清同治間周元志倡修

周岡寨 在院青保明末建築清咸同間重修

仁安寨 在院青保光緒二十一年周之昌周惠行周培賢督衆創建

密縣志

卷五 建置

二十八

河南印刷局印

超化寨 在王村保明崇禎時貢生張問明修築地勢險峻山水環遶爲一邑勝地

王村寨 清同治五年村人修

三義寨 在王村保張溝清咸豐十一年高九峯等創建

義合寨 在王村保義溝同治元年創建

煤窰坡寨 在王村保同治五年創建

人和寨 在王村保蔡家岡宣統三年創建

閻家寨 在王村保創建無考咸同間重修

大隗鎮寨 在西邢保同治間周鄭孟劉趙五姓倡建

龍山寨 在西邢保密溝民國三年創建

盤石寨 在西邢保清咸豐九年創建

鄧寨 在西邢保今呼爲韓家寨

劉寨 在西邢保今呼爲鄭家寨

潘寨 在西邢保今呼爲許家寨

公議寨 在岐固保小干溝清同治間修

草場岡寨 在岐固保清宣統三年馬振南率衆修

福全寨 在岐固保侯寨溝明末郭逢吉修

袁家寨 在岐固保曹馬溝清同治間修

萬全寨 在岐固保西趙溝清宣統三年趙景隆率衆創修

天全寨 在岐固保小張莊清同治六年袁利貞率衆創修

周灣寨 在岐固保清光緒三十三年合村創修

密縣志

卷五 建置

古城寨 在岐固保響潭寺東清咸豐十年劉鎮中率衆創修

同泰寨 舊爲文家寨 在岐固保黃龍廟溝清咸豐間重修

交龍寨 在岐固保創建無考清咸豐九年張樹楷率衆重修

忠義寨 在岐固保柿園清宣統三年馬德莊率衆創修

董家寨 在岐固保黃寨溝明末創建清宣統三年馬毓秀等重修

盤固寨 在浮山保呂鐵匠溝清同治年間王朱兩姓創修土名小嶺寨

牛集寨 在岐固保清同治年間朱昭章率衆創修宣統三年朱恪訓率衆重修

斬寨 在張固保衆山環拱水遶其前明季尉氏靳司空於此築以避兵遠近相依者萬

家斫竹結茅以居之相傳公於闖賊有德過其地羅拜而去李際遇來攻札營西岡司空以大炮擊之遂去

新寨新寨 在張固保清官統間王定一率衆創修

王寨溝寨 在張固保清光緒三年從九品王相率衆創修

磐固寨 在張固保民國二年王九官率衆創修

關口寨 在張固保清同治六年李永修王文明率衆創修

南礮石寨 在張固保咸豐十年劉君瑞率衆創修

山頭灣寨 在張固保清光緒三十年張楊兩姓倡修

雲風寨 在張固保清同治元年劉文郁率衆創修

講武寨 在張固保清咸豐十年孟謙率衆創修

興隆寨 在張固保土峪溝清同治三年李作棟率衆創修

黃灣寨 在官澤保三面絕壁於一面平坦處鑿濠築土爲牆由寨根穿穴而上

密縣志

卷五 建置

三十

河南印刷局印

和台寨 在官澤保清咸豐七年修

官澤灣寨 在官澤保清同治三年王姓創修

河屯寨 在官澤保清同治年間創建

杜家寨 在官澤保杜寨村南此村本有老寨以寨名村年久傾圮無餘民國十年杜鶴鳴陳其殷倡修此寨仍以舊名名之存古蹟也

壽春寨 在官澤保清同治年間張淑秀等倡修

天全寨 在謝村保土橋台村避兵處也深溝百仞環以洧水真天險也相傳明季寇至村人登寨鷄犬不呼日隨合村男女以及六畜無一遭屠戮者故名曰天全今圮

寇家寨 在謝村保時守寨者張子忠明韜畧寇相王鼎王鼎有勇力善拳棒李際遇東掠相以一槍當數十人且戰且走誤陷坑爲賊所獲脅使降不屈死鼎鼎於崇禎十五

年爲鍾夢秋所害。

雙樓寨 在謝村保清同治六年李廷銘等修

天相寨 在謝村保清咸豐十一年張明生等修

永安寨 在謝村保清咸豐十年陳心波等修

王嘴寨 在謝村保民國元年王壽彭修

王溝寨 在謝村保清同治元年王俊修

屈寨 在謝村保清同治元年蘇鶴侶等修

徐家寨 在謝村保清咸豐元年徐鏐率衆修

忠信寨 在謝村保後周莊清同治六年周同升率衆修

周渡口寨 在謝村保清同治六年周宗濂率衆修民國十年周揚欽率衆重修

密縣志

卷五 建置

三十一

河南印刷局印

岡劉寨

沈邱寨 在南朱保陳大烈三烈兄弟主守相距四里爲犄角崇禎七年闖賊黨由梅山

沿澗水而下至沈邱攻之不克移攻岡劉三烈嚴守三晝夜力不能支遂破三烈懷嬰

兒衝出殺賊甚衆以勢不敵欲投沈邱賊追甚急乃跳澗破額死

五英寨 在南朱保清咸豐十年建

蔣莊寨 在南朱保清咸豐九年建

廟朱寨 在南朱保

牛寨

宋寨 在曲梁保牛寨有牛敦厚牛七枚王小風三人宋寨有宋國守宋國治宋國印三人最爲驍勇二寨相隔數里聲勢聯絡約有糧則均食有難則互救以連珠炮爲號又

結王家徵諸寨爲聲援其時馬寨嘗劫賊糧數車賊怒圍之羣寨赴救戰於馬寨下濠水爲赤宋國守項中鎖口箭猶力戰復中數鎗乃走死於下牛村南先是王小風者僞降賊賊許不傷其眷屬及戰小風乘黑夜雜其中殺賊甚多而賊不知也追賊圍益急知力不能支乃呼小風眷屬在此賊遂解去

曲梁寨 清咸豐十年創建

河西馬寨 在曲梁保清咸豐五年修十年亳匪擾密附近數十里皆避兵於此

高窪寨 在曲梁保清同治四年修

張黃寨 在曲梁保清同治五年修

王溝寨 在曲梁保清咸豐十一年修

韓家寨 在曲梁保清咸豐年間修

密 縣 志

卷五 建置

三十二

濟生寨

牛魁寨 在曲梁保明末建

保安寨 在曲梁保清咸豐年間修

馬武寨 在浮山東麓三面水遶岡匪險要相傳爲東漢馬武聚兵處

王家寨 在浮山保明末賊黨來攻勢猖獗將樹木砍伐堆積於下欲焚寨王繼明用困

儲土周圍堆砌以水灌之火不能攻賊接肩攀援上復投以石死傷無數又擲火焚之賊遂去

翟家寨 在浮山保時主守王大選與超化張問明姻親約互爲救援李際遇度其無水急攻之大選乃空置轆轤環轉有聲援兵將至賊遂舍去

郭家寨 在浮保山主守郭虎勇健無敵李際遇屢攻不下遂去

浮山寨 在來集南嶺清同治元年王雲衢等修

保全寨 在浮山保清同治二年翟心銘等修

永和寨 在浮山保呂鐵匠溝清同治八年王雲騰等修

武安寨 在浮山保大岡東清光緒二年牛華山等修

永安寨 在浮山保赤澗河清光緒十年牛廷祥等修

武定寨 在浮山保蟲王廟岡清同治二年任良等修

秦溝寨 在浮山保固泉南清同治二年秦姓修

朝陽寨 在浮山保清同治二年蘇姓修

黃路寨 在浮山保雲岩宮南清同治八年于法智等修

菜園河寨 在浮山保雲岩宮西清同治八年司于兩姓修

密 縣 志

卷五 建置

三十三

河南印刷局印

雲岩宮寨 在浮山保清宣統元年劉雲震等修

同心寨 在浮山保後馬莊清同治六年呂馬兩姓倡修

任岡寨 在浮山保清同治二年于廷臣趙中和等修

天生寨 在浮山保岳岡清同治二年岳文觀等修

陳溝寨 在浮山保清同治三年陳修宏等修

橫嶺寨 在浮山保尹村北清同治三年李本棠倡修

檜樹亭寨 在浮山保清同治四年郭永清等修

來溝寨 在浮山保清同治六年來百祥等修

恒春寨 在浮山保裴溝清同治六年裴雲鐸監修

小嶺寨 在浮山保嶺溝北清同治年間朱王兩姓倡修

壺瓶嘴寨 在浮山保清咸豐十年修

梁山寨 在岳村保主守廩生鄭祥發與弟義貴俱驍勇士寇來攻爲僕人何青所賣寨遂破

長安寨 在岳村保葦園溝清同治六年張中和等修

朝陽寨 在岳村保李岡清同治元年李大純等修

石嶺寨 在岳村保石嶺頭上清咸豐十年鄭文慶等修

天全寨 在岳村保中王廟後清同治六年鄭秉照等修

保安寨 在岳村保石嶺村清光緒二十一年鄭式孔等修

復隆寨 在岳村西即舊呼爲魏寨也清咸豐十一年重修

青龍寨 在岳村保青龍山清咸豐十一年李國倉趙同心等修

密縣志

卷五 建置

三十四

河南印刷局印

金龍寨 在岳村保盧溝清同治五年盧光山等修

喬地寨 在岳村保太湖石北清咸豐十一年喬瓚等修

同心寨 在岳村保喬溝清咸豐十一年喬文清等修

天錫寨 在岳村保盧溝下河清同治六年霍文蔚等修

金蘭寨 在岳村保劉家窩清咸豐十一年劉雲峯等修

岳村寨 即岳村集清同治六年鄭東周等修

旗山寨 在岳村保摩旗山清同治元年創修

三寶寨 在王寨保光武陳北清同治六年陳有林等修

天保寨 在王寨保牛岡清咸豐十年王蘭清等修

同心寨 在王寨保九門溝民國元年陳明保等修

永康寨 在王寨保史溝民國元年陳先登等修

天橋寨 在王寨保盼山頂清同治六年趙明新等修

守信寨 在王寨保陳老溝清同治六年陳重祿等修

六合寨 在王寨保楊岡北清同治二年王暄昂等修

聖水寨 在王寨保聖水寺西南清同治六年白暹等修 寨係白姓祀田凡避兵來者概不取租

三樂寨 在王寨保南董溝清咸豐十一年王炳炎等修

泰和寨 在王寨保油房莊清同治六年李殿魁等修

天相寨 在王寨保滴水棚清同治二年劉永福等修

龍頭寨 在王寨保段溝清咸豐十一年段懷祥等修

古蹟

密縣志

卷五 建置

三十五

河南印刷局印

補城

溱洧源流圖在今補子廟西南

華城

方輿紀要在新鄭東南三十里亦曰華陽亭古華國也

按今謂華城即其地在密新界

古鄆城

括地志古鄆城在鄭州新鄭縣西北三十二里

方輿紀要在縣東北五十里周鄆國也左傳僖公三十三年鄭葬其公子瑕於鄆城之

下杜預注城在密縣東北

按溱洧源流圖在今洧水北溱水東南地近響潭去城七十里

古密城

水經注春秋謂之新城左傳注新城鄭新密滎陽密縣今河南開封府密縣東南三十里有故密城

名勝志古密城後漢卓茂所理南齊謝朓詩茂宰深遐眷即此說嵩古密城今為大隗鎮有漢卓茂遺愛祠

按通志謂在城東七十里以古鄆為古密誤

古鄭城

方輿紀要古鄭城在新鄭西北相傳鄭武公始都此

張龍甲古鄭城考在今新鄭縣西北二十五里與密縣接界明王錫爵左傳釋地謂在新密界最為確切

密縣志

卷五 建置

三十六

河南印刷局印

古韓城

古鄭城考鄭為韓滅遂遷此為韓國秦一六國壞城決堤防六國舊都俱墮為平地

長城

後漢書郡國志卷有長城經陽武到密

按史記蘇秦說襄王曰大王之地西有長城之界據此則長城屬魏顧炎武日知錄曰此韓之長城也今香爐山五嶺上有石壘長堰狀如城垣疑即其遺址俗傳為秦始皇巡行所築無據

賈復城

水經注澮水出鷄絡鳴東南流逕賈復城西

澮水考即今光武店復光武之臣故土人易其稱耳

武陵城

曲梁城

魏書地形志孝昌中分密置武陵城曲梁城

方輿紀要曲梁城在縣東北後魏分密縣地置

按武陵城今不知所在曲梁城即今曲梁集是

法橋堡城

太平寰宇記隋大業間移治即今理

零水城

唐書地理志武德五年以縣置密州並零水洧源二縣

按今零鳥塢東十數里有故縣村疑即零水故墟

密縣志

卷五 建置

三十七

河南印刷局印

洧源城

說嵩在大冶鎮西三里洧水之上土人世傳太古名歷志未有記載其地亦無舊城垣

址第離洧源數里或洧源縣之遺稱歟

按今登封大冶鎮距密境僅十餘里古密疆域寬唐置縣或即在此舊以超化西嶺俗

傳金花城者當之臆撰無據

王居城

在縣東世傳昔王子避難處考晉出帝避亂曾居密十日或即此歟

越王城

在大隗鎮東門外俗傳遼時越王迹魯西伐黨項吐谷渾俘其民放牧於此因建又云

吳越錢氏降宋居此皆不可考

力牧臺 一曰拜將臺
一曰熊臺

通志在大隗鎮東北俗傳黃帝講武於此又曰築拜風后土人呼為臺子岡又曰黃臺岡

臥龍臺

通志在縣西方山保相傳黃帝訪廣成子問道處

講武門

軒轅門

雲崖為黃帝講武處後世建門立石以誌其蹟二石俱係橫書於土中掘得之今尚在

錢青簡講武門
詩見藝文志

御射亭

密縣志

卷五 建置

三十八

河南印刷局印

在牛兒店東二里清高宗巡幸嵩洛時建今廢

華陽亭

一統志司馬彪曰華陽亭名在密縣稽叔夜嘗採藥於山澤學琴於古人即此亭也

仙柏

在城東四十里劉寨圍丈餘高數仞霜皮溜雨古幹撐天據父老傳聞唐宋物也疾病旱澇禱之輒應故土人呼為仙柏

側柏

在大隗鎮月華寺前雪膚虬枝古幹參天相傳漢卓茂宰密時曾聽訟其下思德愛樹蓋與甘棠並壽云

慈亭

天中記載密縣有慈亭慈急也遺址久湮今不知其處

滴水棚

通志在縣東五里天仙廟石澗水出滴漉如雨晝夜不絕味甘冽流數武伏而不見上有石棚棚容數席厚二尺許皆碎石黏聚所成從罅中下滴滲液甘冽曹元甫學使過而嘗之謂與惠山泉無二

李鵬鳴有滴水棚詩見藝文志

白松

中州雜俎天仙白松在密縣東五里世傳漢時有女仙化葬此松其塚上物又云黃帝葬三女處三女九歲俱辭家學道後十七年歸省一夕同逝合葬於此明年塚上生松色如傅粉一本三幹高八九丈大四抱餘本畔一竅常流液甘甚每歲兩脫膚盤根虬枝其葉青翠且硬膚埋瑩澤以手爪掐之文隨起真奇章也殿三楹祀天仙像世稱三

密縣志

卷五 建置

三十九

河南印刷局印

女爲天仙地仙人仙今云天仙其總號也夫帝女合葬事已近誕蹤使有之塚上生松未必果爲帝女所化且松枝之三出者多又何得以此徵異後人詠松之白便入玉膚冰肌等語以况之可笑也獨李于麟有句云非爲子雲能作賦誰知玉樹本青蔥特稱雅當至行甫謂取其枝作帶版香潤異他木李本寧太史贈貽之云不知何時開此端竊爲木慮問之士人殆無此事想假託之以炫奇也

明文

明李攀龍吳國倫李及秀李朴張文耀楊思聖俱有題白松詩見藝

檜樹亭

通志在縣東三十里圍視白松殺十一聳視白松殺十三亭亭偃蓋左紐銅文亭傳自宋樹必宋以前物也

按今樹已無存亭係重建非復舊觀矣

摩旗穴

在力牧臺頂深丈餘團圍如瓦筒節節壘登紋似旋螺相傳為黃帝拜將摩旗處
蕭魚

春秋魯襄公十一年公會晉侯宋公衛侯曹伯齊世子光莒子邾子滕子薛伯杞伯小
邾子伐鄭會於蕭魚杜注蕭魚鄭地綱鑑註在開封之密

今稱蕭魚口在香峪山東南俗訛為蕉峪

上郭

水經注緩水經上郭亭上郭疑即今土郭也

慮馬道

在摩旗山下山路狹窄二馬不能並行相傳漢高祖困滎陽飲馬陸賈河馬回魚貫而

密縣志

卷五 建置

四十

河南印刷局印

過因使人數其多寡故名

大隗鎮

鑠水鎮

金史地理志密有鎮二大隗鑠水

眉山店

方輿紀要宋紹定五年蒙古逼汴京金將武仙自宛鄧入援至密縣眉山店敗還眉應
作梅

白雲莊

明御史溫源別墅也在超化東崖上每推窗俯視田廬村市俱在眼底山翠波光掩映
左右清初楊布政思聖耿宮詹介石城趙御衆范陽馬爾楹皆往來其地為一時人文

之藪

焦欽龍孫博雅梁廷授鄭邑
俱有題白雲莊詩見藝文志

草聖碣

晉王右軍十七帖之一相傳此碣埋於地中時有寶光騰起土人掘得之與宋黃山谷歸雲堂三字同嵌西門外關帝朝壁上今移天寶觀內

貞石

在摩旗山明熹宗時逆璫魏忠賢權傾朝野直省徧立生祠采石茲山他石輦出獨拜石一方數百人曳之不起祭拜之杖笞之終不起密人士因呼為貞石清乾隆初村人伐之三舉摧一隅其家報驟畜斃者三遂止村中自此多患病伐者之家尤劇至今相戒莫敢犯

密縣志

卷五 建置

四十一

河南印刷局印

按貞石名入題咏甚夥俱錄入藝文民國八年
邑人為建亭保護之顏曰貞石亭見建置志

塚墓

三女塚

在縣東五里天仙廟詳見白松下

鄭莊公塚

在岐固保東南至洧東至溱各三里許柳溪經其左周圍八十一步高三丈餘父老相傳為寤生塚俗呼為墓生太子塚訛寤為墓也舊誤入新鄭志

周訪禮有咏鄭莊
公塚詩見藝文志

鄭公子瑕塚

左傳僖公二十三年葬公子瑕於郕城之下杜注故郕國在滎陽密縣東北

稍公塚

在五虎廟東有大塚二高兩三丈周圍約二里土人呼爲稍公塚或曰鄭昭公不可考矣

衣冠塚

在大隗鎮卓君廟前相傳葬卓君衣冠處

漢宏農太守張伯雅墓

水經注宏農太守張伯雅墓營四周壘石爲垣隅阿相降列於綏水之陰庚門表二石闕夾對石獸於闕下塚前有石廟列植三碑碑云德字伯雅河內密人也碑側樹兩石人有數石柱及諸石獸舊引綏水南入塋域而爲池沼沼在丑地皆蟾螭吐水石隄承溜池之南又建石樓石廟前又翼列諸獸但物謝時淪凋毀殆盡矣富而非義比之浮雲况復此乎王孫士安斯爲達矣

密縣志

卷五 建置

四十二

河南印刷局印

鷄鳴塚

在光武店西南二塚乾巽峙高三丈許世傳王莽住店東光武住店西夜未半塚中鷄鳴光武得脫

常十塚

在牛兒店北常氏兄弟十人俱葬此其季脫光武于難後封崇聖公有漢崇聖公常公神道碑

索長官墓

在菜園溝口即投牒處古碑尙存遺像官一執印吏一老嫗一虎一字跡無存嘉慶十九年知縣景綸移嵌城內長官祠壁中並爲詩以記之見藝文志

梁王彥章墓

在縣東南

按五代史彥章字子明鄆州壽張人梁末時爲鄆州防禦使與唐將夏魯奇戰馬跛被擒見殺又歐陽修王彥章畫像記王彥章鄆州壽昌人仕梁爲宣義軍節度使以身殉國葬於鄆州密時屬鄆州故也

宋鄭夫人塚

在歐陽祠右數十武有塚微起前立一碑相傳爲文忠公母之墓碑上截有八篆字下截埋土中

宋太師歐陽文忠公墓

在新鄭密縣界今其裔在密

明鈞州方瑜有重修歐陽公祠墓碑見藝文志

宋王直方墓

密縣志

卷五 建置

四十三

河南印刷局印

王漁洋居易錄劉後村作江西詩派序不爲王直方立之作傳牧仲中丞頃寄張吏部扶長江西詩派圖錄補立之傳適讀晁以道嵩山集有立之墓銘蓋吏部亦未之見畧錄數條以備考證立之少樂從諸丈人行遊無他嗜好惟晝夜讀書手自傳錄凡大編數十時遐荒窮海有先生居焉而傳彼所賦歌詩獨早且多若咫尺居而手授受也立之於人願豈燥濕寒暑之異哉然非其好雖以勢力美官誘致莫肯自枉也嘗監懷州酒稅尋易冀州羅官僅數月投劾歸凡十五年處城隅小園嘯傲自適命其園之堂曰賦歸亭曰頓有一時文士多爲賦詩彭城陳無已卒於京師立之割田十頃以周其孤多此類者立之病中取其生平書古器散之四方朋友無遺慕義樂善如此此事蓋古人所未有也大觀三年三月日葬密縣立之病臥久口不能良言猶慷慨忠憤不少億且曰我所作詩文他日無咎序之死則以道銘我所謂遐荒窮海有先生居焉者蓋東

坡也

宋東呂侯墓

鐵佛寺殿壁有墓志蓋一篆九字有宋東呂侯墓志六字可識今不知所在
參知政事常公墓

在縣西常村保元統三年孫鵬翼立神道碑

牛王塚

在雙樓東洪山真人廟五里許大塚高三丈餘周圍六十餘步土人相傳爲牛王塚當
即洪山真人也

岳大王塚

在岳村南有大塚高丈餘鄭氏族譜謂村以塚得名大王年代名字無考相傳以戰陣

密 縣 志

卷五 建置

四十四

河南印刷局印

而沒此其葬首處也

韓駙馬塚

在岳村東七里許聖壽寺北相傳爲韓駙馬之墓時代無考

孫光普墓

在縣西開陽山後

孫姨娘墓

在開陽山西石人石獸猶存年代失考

程孝子墳

在崔家莊高可丈餘年代無考

金定遠大將軍劉芳墓

在縣西二十五里永安五年孫熙爲立神道碑

元梁國公馮世昌祖馮宣墓

在縣東岐固保延祐初曾孫都指揮使識烈門立神道碑趙孟頫書

明驃騎將軍右軍都督府都督僉事劉先墓

在大隗鎮東五里有明大學士楊榮墓記

明周藩宗室奉國將軍朱勤炤墓

在沈邱府村北遺碣尙存

五女塚

在北召村西南里許相傳明季兵亂其父欲去以女爲難五女遂相繼自盡以速父之行惜姓氏不可考矣

密 縣 志

卷五 建置

四十五

河南印刷局印

明馬體健墓

在馬寨北里許

張問明墓

在尖城岡

魏尙謙墓

在城西岡

閻周民墓

在城南岡

李長安墓

在城南三里康樓

張志周墓

在城東十五里張家莊北

王格正墓

在城東南三里梁寨北

漏澤園

在縣北厲壇右知縣李芝蘭置

義塚

嘉慶十三年知縣楊泰起施西關外地八畝十九年知縣景編施茶菴地十畝其餘各保俱施有義塚不能悉載

密縣志

卷五 建置

四十六

河南印刷局印